

الفاجومي

## عبد الجليل لأقرع

- عبد الجليل لأقرع اللي هزمرا كز رجال الأمن  
والعمده وشيخ الفضر.
- لبيه المأمور بذات نفسه واقف يفرك زي اللي عليه  
البيضة.
- تقنيت من الله إني أشوف كلب البوليس وهو ماسك  
« كلب كارنو » وبينسله لجمه.

obeyikan.com

الدنيا دى رقصه.. لعبيه.. قليلة أصل بنت سته وستين.. كل ليله لها عريس  
جديد.. ترقص له وترقص له.. واللى فات مات.

الله يرحمك يا بابا على الشموخ.. ويشبش الطوبه اللي تحت راسك.

صحيح زمن كلب بينسى المحب حبيه.. ودنيا طاحونه ومرجيحه قواديس حبه  
تحت وجهه فوق لا بتسيب الراكب راکب ولا بتخلى الماشى ماشى.

وروح يا زمان وتعالى يا زمان وبدأ الهمس وكلام العيون فى عزبة أبو نجم  
وزمامها من العزب والكفور والبلاد التابعه للعموديه.. حبتين والهمس بحكايات  
جديده شغلت الناس اللي تحت ورعبت الناس اللي فوق وابتدا الرغى:

- الجماعه اللي فوق ما بيناموش.

- يا سيدى ربنا يقل نومهم كمان وكمان.

- الحوادث على ودنه.. والفاعل مجهول؟

- قالوا يا جحا الأبعد إيه داير فى البلد.. قال لهم مادام بعيد عن المش عارف إيه  
يبقى خلاص.

- بيتها لى كده والله أعلم إن العمده ممكن يطير فيها.

- لا دا بس بيتها لك.

- طب شيخ الغفر.

- يا سيدى الله لا يرد الغلا ولا كياه.

- إنما تفتكر مين؟

- قال يا خبر النهارده بفلوس بكره يبقى ببلاش.

- دا واد ماجبتوش ولاده.

- يسلم البطن اللي شاله.

وبعد مجموعه سريعه من حوادث السطو على بيوت وزرايب مجموعه كبيره من أعيان داير الناحيه وسلسله من حرق الأجران ظهر الفاعل على الشاشه عبد الجليل ابن الحاج مصطفى لاقرع شيخ بلد قرية الستين التابعه لعموديتنا ابن الليل الفارس العجيب اللي هز مراكز رجال الأمن في مركز أبو حماد ورعب العمده ودوخ شيخ الغفر السيد أبو دقماق اللي ذالل البلد وملبس رجالتها طرح.. والسيد أبو دقماق ده كان أصله حرامى بهائم وقاطع طريق وبعد ما اشتغل مرشد للبيه المعاون وخدمه في ثلاث أربع قواضى عينوه وكيل شيخ غفر خبط لرق وبعد ما خان زملاءه وسلمهم كافأوه بترقيه شيخ غفر داير الناحيه.

وشمتت الأهالى فى البيه المعاون والعمده وشيخ الغفر وضحكنا من قلوبنا ع الأغنيا اللي كانت بهائمهم بتنسرق وجرانهم بتنحرق وماحدش فيهم مستجرى يفتح بقه بكلمه ولا يبلغ عن الفاعل وكانت كل البلاغات اللي اتقدمت للبوليس والنيابه بتنتهى نهايه واحده:

س: هل تتهم أحداً؟

ج: لأ.

س: هل لديك أقوال أخرى؟

ج: لأ.

وأقفل المحضر على هذا فى ساعة تاريخه وتليت عليه أقواله ومضى «ثم» وقيدت ضد مجهول.

الواد غريب قابل واحد منهم صباحية ماجرته انحرق.. وبص فى وشه وضحك وقال له:

مال تجيبه الرياح تاخده الزوابع.





وذات صباحيه صحينا لقينا البلد مليانه حكومه.. وقدام سراية العمده حوالى خمس عربيات حكومه والبيه المأمور بذات نفسه واقف يفرك زى اللى عليه البيضه والجميع زى ما قال الغفير بهنسى:

- فى انتظار الكلب وسعادة الباشا الحكمدار.

- إيه العبارة بابا بهنسى؟

- الخواجه فريد مرشاق هلك.

- ومين اللى هلكه؟

-- عبد الجليل.

- سلم يمينه.

- وطى حسك.. الموضوع باينه مش حيبجى البر.

- دا يقولوا مولانا الملك شخصياً طالب القاتل وحيقتله بيده.

وأثناء هذه الدردشات وصلوا عربيتين واحده فيها الكلب هول وواحد فيها سعادة الباشا الحكمدار اللى أول ما نزل عملوا له سلام تشريفه وزعق الباشا الحكمدار:

- المتهمين جاهزين؟

ودخلوا الغفر أوضه التليفون وخرجوا ومعاهم حوالى خمستاشر راجل مربوطين فى جاليب بعض.

كانت دى أول مره أشوف فيها عبد الجليل لاقرع.

ماكانش مربوط معاهم.. رغم إن أبوه الحاج مصطفى ماكانش موجود ضمن جميع مشايخ دابر ائناحيه اللى كانوا واقفين زنهان فى استقبال سعادة الباشا الحكمدار والكلب.

كان قصير بشكل ملحوظ.. ولابس هدوم بلدى نضيفه وعليها القيمه وعلى راسه طاقيه وبر بشوكها.. ودى كانت فى الفتره دى ملبوس الأكاير.

بيمشى ووشه فى الأرض لكن عينه لفوق.. عين سوادهم داكن وبياضهم ناصع وفيهم نظره قويه حاده وابتسامه ودوده.

المهم قعدوا المتهمين صفين على قرافيصهم.. عبد الجليل كان تالت واحد فى الصف اللى ع الشمال.

واقف مركز عنيه عليه.. لقيت إيد بتزغدى فى جنبى بصيت لقيت غريب.. وشه منور بابتسامه جميله وعنيه فيهم نظرة شماته وإعجاب.. بادلته نظرة الشماته والفرح وقلت له:

- شفت عبد الجليل؟

ضحك بشويش وقال لى:

- الصباحيه دى مباركه من أولها.. أنا أصلى شفت المرحومه أمى الليله فى المنام.. بتسلم عليك.

وسأل المأمور بصوت عالى:

- تمام المتهمين.

وضرب البيه المعاون رجله فى الأرض وضرب تعظيم سلام وقال:

- كله تمام يا أفندم.

وفتحوا باب عربيه الكلب.. راح ناطط ع الأرض.. حاجه بسم الله ما شاء الله.. لا تقوللى كانى ولا مانى.. ما اعرفش إيه لحظتها اللى فكرنى بكلب كارنو واتمنيت من الله ولا يكثر على الله إنى أشوف الكلب دا وهو ماسك الكلب كارنوا وبينسل لحمه.. قادر يا كريم.

ونط العسكرى ورا الكلب مربوط فى آخر السلسله.. ماتعرفش مين فيهم اللى صاحب التانى.. وراح العسكرى مادد إيده فى المخله ومطلع سكر قوالب.. بقى

يحدف القلب لفوق يروح الكلب ناطط فى الهوا ولاقطه يبجى خمس ست مرات  
وراح فاكك سلسله الكلب ومسقف وقايل:

- اتبع.. اتبع يا نمر.. اتبع.

الكلب جابها من أول الطابور يحط بوزه فى عب اللى قاعد ويشم شويه ويسيبه  
شويه ويروح ع اللى بعده.. خلص الصف اليمين.. كانوا المتهمين واللى بيتفرجوا  
دمهم نشف.. واحد أغمى عليه.. وواحد عمل الثقيله فى هدومه.. وواحد زعق بعلو  
صوته:

- الحقينى يامه.

وأنا فى الحقيقه مش عايز أقول أسماء لأن بعضهم مازال على قيد الحياه ولا  
داعى للإحراج.

وبدأ الكلب يجيب من أول الصف الشمال وهب واحد اتنين وجه دور عبد  
الجليل الكلب حط بوزه فى عبه وإذا بعبد الجليل حاطط إيديه لتنين فى بق الكلب  
اللهم احفظنا وراح فاشخ بقه ورمى نفسه على دماغ الكلب كتم نفسه فى الأرض  
وسابه الكلب الضخم ده حط ديله بين وراكه وقال يا فكيك وفضل العسكرى يجرى  
وراه لغاية ما جابه من على ترعه التفتيش.. وظاقت العالم وفوجئنا بسعادة الباشا  
الحكمدار بيقول بعلو صوته:

- مش كلام ده يا عمده.

المهم والمدهش إن ماحدث من الهلّمه دى قدر يقول لعبد الجليل تلت التلاته كام  
ونزلوا الغفر فينا ضرب بالخرزان طفشونا.

وهما ماشيين خدوا عبد الجليل معاهم مقبوض عليه بتهمه قتل الوجيه فريد بك  
مرشاق مع سبق الإصرار والترصد.

واتحول مصير عبد الجليل لقضيه شغلت البلد كبير وصغير.

أنا كنت باروح على دكان أبو عبدالله واندس وسط الكبار عشان اسمع بيقولوا

إيه واعرف أخبار عبد الجليل.. كانت كل الناس بتسأل عن مصيره وقال أبو عبد الله:

- مولانا الملك تركى والتراكوه زى الصعايده ماييسبوش تارهم.

وسأل برعى الصغير:

- يعنى حيموتوه يا حاج محمد؟

فرد أبو عبد الله بثقه:

- الملك حيموته بإيده.

وصدق الشيخ أبو عطيه على كلام أبو عبد الله فقال:

- إنتو عارفين إن الملك ده قوة ستين حصان.. وإن الحكما فى بلاد لندره اكتشفوا

قلب صغير منبت جنب قلبه الكبير.. يعنى بقلبين اللهم احفظنا.

ورجع برعى الصغير يسأل تانى وبإلحاح:

- يعنى يابا محمد مين اللى يغلب فهمنى.. الملك ولا عبد الجليل؟

ونزل أبو عبد الله بملوكفه على قفا برعى العريض وقال له:

- بقى عبد الجليل اللى بياكل المش بدوده ولا الملك اللى بيعصروه ستين جوز

حمام فى كبايه كل يوم يشربها ع الريق يا حمار؟!

ونسى برعى القفا اللى لسه واكله وقعد يحك فى قفاه وقال:

- يا سيدى سليم يا بومسلم.. ستين جوز حمام حته واحده؟!

أنا كمان حصل لى رعب شديد من قوه الملك على زور عبد الجليل.. رحى قايم

وأنا باحوش نفسى م العياط على عبد الجليل وأول ما بعدت عن الدكان انفجرت

بالعياط بصوت عالى:

وفضل عبد الجليل فى سجن أبو حماد محبوس على ذمة التحقيق اتناشر شهر

ماحدث فى عيال العزبه نسيه وبعد سنه اتناشر شهر قدموه لمحكمه جناتيات الزقازيق

بتهمه القتل وأبوه شد له ثلاثه محامين كبار منهم الوزير على أيوب وحكمت المحكمه ببراءة المتهم لعدم كفايه الأدله ورجع من محكمه الزقازيق بزفه ثمانيه وعشرين عريبه.. اللي جاي م الزقازيق واللى قابلهم فى أبو حماد ومشى وياهم واللى قابلهم على كوبرى المعاهده واللى قابلهم عند جبانة الشيخ عثمان فى العباسه الكبرى ودخل لك الموكب العزبه وقعدوا يضربوا نار قدام سراية العمده ودكان أبو عبد الله والاتنين مافيهمش صريخ ابن يومين.. ماحدثش عارف راحوا فين؟ وبالليل استمر الاحتفال وجابوا فرقة بعزق ودبحوا جميلين وشاب وعشر خرفان وكان فيه أكثر من ثلاثين كلوب قدام دوار الحاج مصطفى الأقرع وعلى بُعد أقل من كيلو متر كانت سراية الخواجه مرشاق غرقانه فى الضلمه ومهجوره.

بعد البراءه اتسلطن عبد الجليل فى دماغ البلد وخصوصاً العيال.. وعلى رأى بتوع السيمه سرق الكاميرا منى ومن غريب وانتهى الصراع الوهمى بينى وبين غريب على الزعامه المزعومه ورجعنا أشخاص عاديه جداً زى كل العيال وحتى لعبه عسكر وحراميه بقى اسمها عبد الجليل والملك وماكانش حد م العيال بيرضى يعمل الملك فبقينا نعمل قرعه.

خط الله معيد معيد

كله حرب وكله صيد

كله مراكب

تخطر وتفوت فى الحاره

يا واكل الكشك البايث

لا تاكله وأنا فايث

ع النبايث

ع النبايث

ع النبايث

واللى ترسى عليه القرعه يبقى هو الملك.

وفى ليله من ذات الليالى بعد نص الليل سمعنا ضرب رصاص سريع .. اتهيأنا إنه فى قلب العزبه والناس كلها صحيت فى البيوت وقعدنا أنا وأمى وأخويا الصغير نجم بعد الرصاص ما سكت نبص لبعض واحنا ساكتين وفجأه لقيت نجم بيص لى ويقول وكأنه بيخمن:

- عبد الجليل.

قلت له:

- بس القليل ما حطش منطق.

أمى قالت:

- يسلم زنده.

الصبح نشفت البركه وبانت قراميطها.

السيد أبو دقماق كان سهران عند العمده بيشدوا الأنفاس المعطره وربنا يعلم كانوا بيتفقوا على إيه وخلصت السهره وقام أبو دقماق ركب المهره واتكل على بيته وأثناء مروره أمام جنينه محمود أبو سليم سمع خرفشه وهمس بين الشجر وف لمح البصر كان حادف نفسه من على ضهر المهره بقى ع الأرض وإيده على زناد مسدسه فرغ الست رصاصات فى اتجاه الصوت ع الضلمه .. وهو كان مشهور بأنه بيغمض عينه ويضرب ع الصوت ولازم يصيب الهدف.

وبعد ما فرغ الطبنجه خدها زحف فى بطن الترعه من جنينه أبو سليم لسراية العمده حوالى نص كيلو متر .. لقى العمده واقف بيرجف وقال له:

- خبر إيه يا سيد .. مين اللى كان بيضرب رصاص؟

قال له:

- مبروك يا عمده .. عبد الجليل تعيش إنت.

وقبل العمده ما يستوعب الصدمه كمل أبو دقماق:

- أهه متكوم في جينينة أبو سليم.. غرقان في دمه.

ورفع العمده سماعه التليفون وآلو يا مركز:

- سعادة المعاون؟.. أنا عمدة أبو نجم.. الأمر كيت كيت.

وبعد ساعة زمن كان البيه المعاون على راس قوه كبيره شايلين المشاعل

والكلوبات وبيدوروا ع القتيل في جينينة أبو سليم.

وتحت شجرة جوافه عجوزه ووسط برکه من الدم الطازه لقيوا جثتين لكلبين كانوا

في حاله حب.

ماحدث في البلد قدر يداري الفرحة والشماته.. كل الناس كانت فرحانه باللى

حصل.. لكن بعض الناس ومنهم أمى كانت قلوبهم متوغوشه.

- والنبى يابنى أنا قلبى واكلنى على عبد الجليل.

- ليه يامه بتقولى كده؟

- تفتكر العمده وشيخ الغفر والمعاون والمأمور حيسكتوا ع البهدله وقلة القيمه

اللى حصلت لهم؟

وقال لها نجم أخويا:

- وإن ماسكتوش يعنى حيعملوا إيه؟

قالت له:

- العمل عمل الله.. لكن برضه الفانس غلب الحارس.

قلت لها:

- ماتخافيش يامه.. ربنا حينصره عليهم.. زى ما نصر النبى ع الكفار.

قالت:

- ربنا يابنى ينصره.. بس أنا برضه خايفه.

وأثبتت الأيام أن خوف أمى كان فى مطرحه.

كان لازم الحكومه ترد اعتبارها وتسترد هيبتها اللى بعترها شبح عبد الجليل فى جنينة أبو سليم.. وف سراية العمده جهزوا الطبخه وحطوها ع النار تستوى جابوا ولد حرامى مواشى ومرشد اسمه أبو جاب الله.. واتفقوا معاه ياخذ بقره ويروح بيها لعبد الجليل بعد صلاة العشا فى الليله الموعوده اللى مافيهاش قمر ويفهمه إنه سارقها وعنده شارى فى العباسه ويطلب منه الحمايه فى الطريق فى مقابل نص تمن البقره على شرط إن عبد الجليل هو اللى يسحب البقره.. وعند أمينة الطوب المهجوره يتنحج أبو جاب الله ويسيب الباقي على الله لأن السيد أبو دقماق كان قايس جبل البقره وقايس البقره نفسها فإذا تنحج اللى ماسك ديل البقره يضرب هو بالمقاس ولازم يصيب اللى ساحب البقره.. دى لعبته.



وفى الليله الموعوده خبط أبو جاب الله على باب عبد الجليل اللى كان قاعد يتعشى والحقيقه إنه فوجئ بالزياره الغريبه دى!

وبعد الأهلنات وشرب الشاى والذى منه سأله:

- خير يابو جاب الله؟

- كل خير ياعم عبد الجليل. معايا بقره سارقها م العرب وزبونها فى العباسه.

- طيب.. وجاى لى أنا ليه؟

- ما احنا كلنا حمايه ربنا وحمايتك يا عم عبد الجليل.

- هات م الآخر يابو جاب الله.

- تمشى معايا بالبقره للعباسه.. وأول ما ندخل للعباسه أنا اللى ح اسحب البقره وأودبها للزبون.

- وحتدینی کام؟

- النص بالنص يا عم عبد الجليل.

- يفتح الله.

واصفر وش جاب الله واتلجلج حبتين وقال:

- أمال عايز كام يا عم عبد الجليل؟

قال:

- إنت التلت وأنا التلتين.

واتنهد أبو جاب الله وقال:

- اللي تشوفه يا عم عبد الجليل.

قال له:

- روح هات البقره.

وراح المرشد جاب البقره وسلم حبلها لعمه عبد الجليل ومشيووا فى الضلمه على شط ترعة الإسماعيليه قاصدين العباسه اللي تبعد عن الستين حوالى سته كيلو متر وقبل ما يوصلوا لأميته الطوب المهجوره بحوالى ثلاثين متر اندار عبد الجليل على أبو جاب الله والطبنجه فى إيده وقال له:

- إمسك ياد حبل البقره وامشى ساكت.. لو سمعت نفسك ح افرغ فيك الطبنجه.

وامتثل المرشد وسحب البقره ومشى.. وقصاد أمنيته الطوب المهجوره اتنح عبد الجليل وطلعت الرصاصه من بندقيه أبو دقماق ومعها الصرخه الأخيره بأبو جاب الله وخسرت الشرطه واحد من أصدقائها.

واتأكد سيد أبو دقماق المره دى من موت عبد الجليل بعد ما سمع الصرخه

الأخيره وجرى فى اتجاه الجثه والغفر وراه وعلى بُعد مترين من الجثه فوجئوا بنور الكشاف ضارب فى عينهم وصوت عبد الجليل يقول:

- قتلت راجلك يا سيد.. ياخيبتك.

لا سيد أبو دقماق ولا حد م الغفر نطق بكلمه وضحك عبد الجليل وقال:

- طب سمى عليه بقى وشيله وارميه فى الحلوه.. ترعه الإسماعيليه.. وإن الله حلیم ستار.

وقال سيد أبو دقماق وهو مش مصدق:

- طول عمرى راجل يابو الحاج.. أنا عايز أقعد أنا وإنت فى الوقت والمكان اللى يريحك.. عايزين نصفى اللى بيناتنا.

وضحك عبد الجليل وقال له:

- اللى بيناتنا ما يتصفاش يابو دقماق.. تمام زى اللى بين الديب والغنم.

وقال سيد أبو دقماق للغفير إبراهيم الطيب:

- شيل الواد ده طُشه فى الحلوه.

وقال عبد الجليل بمنتهى الحزم:

- إنت اللى حتطشه فى الحلوه يا سيد.. وامثل أبو دقماق المرعب وشال الجثه

وحدفها فى الحلوه وغرقت هدمومه من دم القتيل وفوجئ بعبد الجليل يقول له:

- اقلع الجلابيه وهاتها.

وامثل.. ولف عبد الجليل الجلابيه بدمها وقربها من وش أبو دقماق وقال له:

- لعبت بديلك بديلك تانى.. ح اقطعهمولك.

